

EKONOMSKO- SOCIJALNO VIJEĆE ZA TERITORIJU FEDERACIJE BOSNE I HERCEGOVINE

Broj: 03-30/14-3017/21
Sarajevo, 02.12.2021. godine

ZAPISNIK

Sa 9.(129.) sjednice Ekonomsko-socijalnog vijeća za teritoriju Federacije Bosne i Hercegovine, održane dana 02.12.2021. godine u 12:30 sati.

Sjednicom predsjedava Edhem Biber, predsjednik Ekonomsko-socijalnog vijeća.

Sjednicom predsjedava gđin. Edhem Biber, predsjednik Ekonomsko-socijalnog vijeća.
Prisutni predstavnici Vlade: gđin. Fadil Novalić, gđa. Jelka Milićević, gđin. Vesko Drljača, gđin. Amir Zukić.

Prisutni predstavnici Poslodavaca: gđin. Adnan Smailbegović, gđin. Mladen Pandurević, gđin. Edin Ibrahimpašić, gđin. Senad Džambić, gđin. Zoran Gazibarić, gđin. Josip Kraljević.

Prisutni predstavnici Sindikata: gđin. Mevludin Bektić, gđa. Lejla Čatić, gđin. Samir Kurtović, gđin. Bajro Melez, gđin. Zijad Latifović, gđin. Mirza Hadžiabdić, gđin. Dubravko Pervan.

Sjednici nisu prisustvovali: gđin Nermin Džindić, gđin Šemsudin Dedić, gđin. Denis Lasić gđin, Sinan Husić.

DNEVNI RED

1. Usvajanje zapisnika sa II tematske sjednice, nastavka II tematske sjednice i redovne 8.(128.) sjednice ESV-a;
2. Uredba o metodologiji izračuna i usklađivanja najniže plaće;
3. Razno.

Predsjednik ESV-a gđin.Biber konstatirao je kvorum, nakon čega je usvojen predloženi dnevni red.

Ad. 1

Zapisnici su usvojeni sa zahtjevom gđin.Bektića za ispravku teksta rečenice zadnjeg pasusa u Ad.1 Zapisnika sa nastavka II tematske sjednice, koja je glasila: Predstavnici Sindikata su tražili da se u prijedlog Uredbe unese i koliko često će se vršiti usklađivanja i predlažu iznos od 560 KM prema postojećim zakonima,

a treba da glasi:

Predstavnicima Sindikata su tražili da se u prijedlog Uredbe unese i koliko često će se vršiti usklađivanja i predlažu povećanje 50% od sadašnje minimalne plaće po trenutnim zakonskim rješenjima.

Ad. 2

Razmatranje Uredbe o metodologiji izračuna i usklađivanja najniže plaće počelo je izlaganjem gđe. Jelke Milićević, ministrice Federalnog ministarstva financija. Navela je da su objektivno sagledati sve postavljene zahtjeve i mogućnost koji su rezultirali sa dva prijedloga Uredbe: Prvi je fiksiranje najniže plaće na iznos od 550 KM, gdje Uredba definira usklađivanje sa troškovima života ($BDP+CPI/2$), s tim da se svake godine na osnovu podataka iz prvih devet mjeseci utvrđuje osnovica za narednu godinu. Drugi prijedlog je Uredba gdje metodologija kaže da je najniža plaća 55% od prosječne plaće ostvarene u Federaciji BiH za prvih devet mjeseci, što u ovom trenutku iznosi 543 KM. Ponuđeni predlozi su radni modeli i nada da će se na današnjoj sjednici naći rješenje.

Predstavnicima Poslodavaca iznijeli su pohvale za materijale Federalnog ministarstva financija koji bi sa nekoliko izmjena mogao biti finaliziran i dobiti njihovu podršku. Najprije predlažu da se najniža plaća definira u neto iznosu jer bi u slučaju smanjenja stopa doprinosa taj iznos ostao isti i ne bi došlo do kolizije sa očekivanim novim zakonima, ali odluku ostavljaju resornom ministarstvu. Smatraju da u članu 3. Uredbe treba razdvojiti utvrđivanje i usklađivanje najniže plaće, jer bi usklađivanje vršeno po automatizmu. Pored toga, termin – neto plaća treba zamijeniti sa – neto primanja, jer zakon predviđa proširenje poreske osnovice što treba jasno definirati u Uredbi.

Suštinskom izmjenom u Uredbi smatraju definiranje plaće koja se isplaćuje u posebnim situacijama (nelikvidnost, elementarne nepogode, sezonski poslovi, dugotrajna nezaposlenost, dugotrajno bolovanje i dr.) i u ograničenom vremenskom periodu. Poslodavci su, radi objektivnog sagledavanja problema i primjenjivih rješenja, predvidjeli angažiranje vanjskog revizora. Ovo je bila praksa i u Kolektivnim ugovorima i Ugovorima sa Sindikatima, pa ukoliko se ovo usvoji spremni su nastaviti argumentirane razgovore i prihvatiti materijal. Prijedloge će poslati resornom ministarstvu. Nemaju primjedbe na iznos plaće jer je bitno da ona bude u skladu sa zakonom, ali napominju važnost usklađenosti sa Zakonom o radu, odnosno da se najniža plaća jednom utvrdi i onda svake godine usklađuje. Zato u Uredbu treba unijeti da sada utvrđuje najniža plaća za 2022. godinu, a onda se svake godine ona usklađuje sa promjenama kriterija. Također, treba navesti i obavezu razmatranja ovih pitanja na ESV-u.

Predstavnicima Sindikata razmatrali su materijale na Kolegiju i zauzeli stav da ostaju pri prijedlogu da povećanje najniže plaće bude 50% od trenutne najniže plaće (406 KM), odnosno da iznosi 610 KM. U članu 3. stav 3. Uredbe smatraju da treba dodati dio teksta koji bi glasio - najniža plaća do dana primjene novih zakona će biti utvrđena posebnom Odlikom u iznosu od najmanje 70% od prosječne plaće u Federaciji BiH, uz konsultacije sa ESV-em. Ostalo je nejasno zašto je uzeto 50% rasta BDP i CPI i da li se to može izmijeniti ili je ovo ponuda. Predloženo se može eventualno prihvatiti, ali je ključno da se uzmu u obzir iznijeti zahtjevi. Pitali čime se svi Poslodavci obavezuju da isplate topli obrok koji se navodi uz najnižu plaću, i obzirom da topli obrok može biti manipulativna kategorija, dobro je da će sa novim za

konima postati dio ukupnih primanja. Svjesni su da razlika između ponuđenog iznosa u prijedlogu Uredbe i prijedloga Sindikata od 610KM za Poslodavce znači mnogostruko veće financijsko opterećenje, ali smatraju da se o time može još razgovarati.

Član delegacije Sindikata gđa. Lejla Čatić mišljenja je da je Uredba načelno prihvatljiva i navela je niz dopuna, primjedbi i prijedloga, koje je dostavila kolegama iz Sindikata, ali ih oni nisu danas pomenuli.

Predstavnici Vlade iznijeli su da utvrđivanja budućih neto primanja nije bilo moguće definirati na osnovu postojećih zakona pa su rješenja ponudili u postojećem zakonskom okviru. Kad zakoni budu usvojeni biće potrebno ponovo se konzultirati i tražiti prostor za usuglašavanje sa prijedlozima koji su ponudili predstavnici Poslodavaca. Promjene koje su više tehničke prirode neće biti problem usuglasiti, a danas je potrebno da se dogovorimo da želimo povećati minimalnu plaću i koliko bi ona iznosila.

Predstavnici Sindikata konstatiraju da je ostalo tehničko pitanje visine procenta i da li će se primijeniti na prosječnu plaću ili najnižu plaću u Federaciji BiH, a koji bi bio prihvatljiv i Poslodavcima i Vladi. Kako smatraju da ima još prostora za povećanje ostaju pri prijedlogu da to bude 50% od najniže plaće u Federaciji BiH, odnosno 60% prosječne plaće u Federaciji BiH. Sindikati su već napravili kompromis i smanjili stopu sa 70% na 50% pa traže razumjevanje i drugih strana. Slažu se sa prijedlogom Poslodavaca o primjedbama vezanim za utvrđivanje i usklađivanje.

Premijer smatra da je vrijeme za razmatranje novih prijedloga isteklo jer smo na kraju godine. Vladi FBiH također odgovaraju veće plaće jer se time i prihodi Vlade povećavaju, ali trebamo biti svjesni i negativnih posljedica radikalnih promjena u budućnosti koje će se uzrokovati smanjenje broja zaposlenih. Pošto postoji neizvjesnost kad će novi zakoni biti usvojeni na Parlamentu FBiH, predlaže da se za dobrobit svih socijalni partneri slože i danas prihvate prijedlog od od 543 KM.

Nakon konzultacija na pauzi predstavnici Sindikata su saopćili da ostaju pri prijedlogu od 60% od najniže plaće u Federaciji BiH, odnosno 609 KM. Naveli su i mogućnost sastanka u narednih 4-5 dana na kojem bi se Vlada očitovala, te smatraju da se Poslodavci i Sindikat nikada neće usuglasiti po ovom pitanju.

Predstavnici poslodavaca su ponovili činjenicu da veliko povećanje ugrožava radna mjesta. Naveli su da povećanje iznad 600 KM uzrokuje u samo u tekstilnoj industriji gubitak preferencijala za 20.000 radnika. Napomenuli su da danas ne usaglašavamo stavove nego iznosimo primjedbe na dostavljeni materijal. Svi imaju svoje mišljenje, ali treba govoriti istinu. Radnici i poslodavci se uvijek dogovore. Ako je Zakon o radu rekao da se minimalna plaća određuje prema metodologiji, onda se radi prema Zakonu. Predlažu da socijalni partneri odmah sutra dostave prijedloge Vladi FBiH čime bi se Vladi dalo vremena da donese Uredbu koja bi se primjenjivala od 01.01.2022.godine.

Zaključak:

Ekonomsko socijalno vijeće je shodno članu 78. Zakona o radu (st. 1. i 3.) izvršilo konsultacije i predlaže da socijalni partneri do sutra dostave Vladi Federacije BiH

pismene primjedbe i prijedloge na Uredbu o metodologiji izračuna i usklađivanja najniže plaće, koje Vlada Federacije BiH treba da razmotri, eventualno napravi konzultacije sa socijalnim partnerima i donese Uredbu do kraja godine kako bi se primjenjivala od 01.01.2022. godine.

Ad.3

Predstavnici Poslodavaca pokrenuli su inicijativu prije dva mjeseca za razgovore oko poskupljenja električne energije koja operečuje privredu. Zamolili su Premijera da slijedeće sedmice nastave dijalog i nađu prihvatljivo rješenje.

Gdin. Mevludin Bektić smatra da se ovaj teret povećanja cijena električne energije želi staviti samo na leđa Elektroprivrede, da poslodavci očekuju da se za njih besplatno radi, ali da time dovode cijelu privredu u rizik i idu protiv interesa Federacije BiH.

Gdin. Senad Džombić je na ove konstatacije naveo primjere koji pokazuju da su poslodavci bili i ostaju uz Elektroprivredu i da u ovim trenucima, kad se dešavaju nepredvidive stvari, treba vladati činjenicama i sve izbalansirati, a ne govoriti napamet.

Sjednica ESV-a završena je u 15:00 sati. Vrijeme i dnevni red sljedeće sjednice ESV-a, biće određen na Kolegiju ESV-a.

Predsjednik Ekonomsko-socijalnog vijeća
Edhem Biber

Zapisnik pripremila:
Snježana Kapić, MBA & mr.sci